



Universitätsbibliothek Paderborn

**Illustrissimi Domini Simonis De Fierlant, Hispaniarum Ac
Indiarum Catholico Regi, In Hispania Ac Belgio, A Concilio
Status, Brabantiae Cancellarii, Catholico Ab Affectu
Tractatus, Quo, Clarissime ...**

Fierlant, Simon de

Coloniæ Agrippinæ

Appendix. Seu brevis ad alias Materias digressio.

urn:nbn:de:hbz:466:1-37059



APPENDIX.

Seu brevis ad alias materias digressio.

 Actenus de Sacramento Pœnitentiæ, nunc ad alias materias digredimur; & hanc Appendix, ut in partirione operis monui, reliquo operi liberalis adjicio. Faciam id porro non operosè sed obiter, & levi manus scopas ventilans eorum sordes in brevem cumulum colligam; nec multum concordiæ solicitus aut ordinis, ut primo quodque occurret, ita primo dicetur: facit præterea R. P. Philippus De Vos, cum aliis, tum nuperis suis Thesibus, quibus Gummarii dogmata discutit, ut sœpè præterire eum & aliquantum ei parcere possim.

De Libertate.

Jansenius h̄ic & Gummarus uno proflus ore loquuntur, audiamus.

i. Jansenius lib. 6. de Grat. Chri. Salv. col. 648. & seq. docet, amorem beatificum esse liberum, & probat, quia sit cum volumus; quia est in nostra potestate; quia sumus illius Domini; inter alia; *hoc ipso quo volens erit voluntas,*

Oo 3 erit

erit idcirco in potestate, quia fiet cum volet, & conseruerter libera & col. 651. est enim (voluntas beatifica) in potestate nostra, sumus ejus Domini, suspendimus eam quando volumus. Gummarus in compendio 2. edit. pag. 23. ita habet amor beatificus, est actus humanus, & perfectè voluntarius ac proinde liber libertate essentiali: & probat in dictatis, quia per illam quod volumus facimus, sumus igitur futuri Domini istius amoris, sive futurus est iste actus in potestate nostra. En alterum Jansenium.

2. Jansenius ibid. col 653. contendit voluntatem beatificam esse magis liberam, quam sit voluntas viatoris; & rationem dat, per nullam enim voluntatem magis volumus, ideoque nulla magis adest cum volumus, nullaque magis in nostra potestate, adeoque nulla magis libera.

Jansenius, Gummarus inquam; semper hic erro. In ipso amore beatifico major est à necessitate libertas, quam modo est in ullo amore viatoris. Rationem dat in dictatis: Quia nulla actio hominis in hoc statu naturæ lapsæ ita est in potestate nostra, ac proinde nulla tam justo titulo vocatur humana, quam amor beatificus. Da discriminem, & eris mihi magnus Apollo. Brevis hic sum, supplebit cætera Gerardus van Vianen toto suo de libertate adversus Gummarum Libello, qui & suo conformia principio Corollaria ex Janseiano dogmate Janseniana dedit.

De



*De discrimine inter gratiam naturæ lapsæ,
& naturæ integra.*

C Alvinus illud inter utramque discrimen statuit ; quod gratia naturæ integræ esset ejusmodi , ut liberum arbitrium eam desereret, si vellet, & si vellet, in ea permaneret , non ita gratia naturæ lapsæ, quæ potentior ipsum velle seu ipsam actionem inferat : audi eum in Antidoto Conc. Trid. *Hallucinantur* (Tridentini Patres) quod motum nobis offerri somniant , qui medium electionem nobis relinquat: denique in eo falluntur quod NULLUM OBSERVANT INTER REGENERATIONIS GRATIAM ET PRIMAM , QUÆ ADÆ DATA FUERAT, DISCRIMEN : quod diligenter Augustinus exponit. *Istam* , inquit , *gratiam non habuit primus homo* , qua numquam vellet esse malus ; TALE QUIPPE ERAT ADJUTORIUM QUOD DESERERET, CUM VELLET, ET IN QUO PERMANERET, SI VELLET, NON QUO FIERET, UT VELLET; sed POTENTIOR est gratia in secundo Adam , QUA FIT ETIAM UT VELIMUS : Eodem modo loquitur lib. 5. contra Pighium pag. 204. & alibi.

Hoc ex Calvinio discrimen hausit Jansenius, & toto pas- sim opere, ac præsertim lib. 2. de Gratia Christ. cap. 3. & sex sequentibus ; sed de Jansenio non agimus , veniamus ad Trium-Viros.

Gummarus idem illud statuit cum Calvinio & Jansenio in compendio pag. 53. *Qui de Christi Gratia bene sentiunt*

cum

296 TRIUM-VIRORUM VANA

cum Augustino dicunt, quod in hoc statu (naturæ lapsæ) non tantum det posse, ut olim (in statu naturæ integræ) sed & velle. Idem operosè contendit in Thesibus 14. Jan.

1683.

Macarius in Tyroc. pag. 126. nimis diversæ sunt operationes, & attributa status innocentiae & naturæ lapsæ, quam ut combinari possint: hæc determinat liberum arbitrium ad agendum, illa determinatur à libero arbitrio; HÆC DAT voluntati infirmæ ACTIONEM & meritum, illa TANTUM DONABAT naturæ sanæ POSSE ELICERE actionem meritoriam.

Gabriëlis in damnata morali pag. 13. non solum dans adjutorium, quo perseverare possint, si velint, sed quo velint & invictissime velint, & quo fiat, ut revera perseverent usque in finem & salvi fiant, IN QUO CONSISTIT DIFFERENTIA GRATIÆ HUJUS STATVS, A GRATIA PRIMI STATVS, quæ tantum dabant posse perseverare, non autem velle, sicque erat subjecta libero arbitrio.

Hinc primo fluit: secunda propositio in Jansenio damnata ab Innocentio X. & Alexandro VII. interiori gratiæ in statu naturæ lapsæ numquam resistitur; ut consideranti patet: nam ubi ea est, infert ipsum velle, & ut resisteret, deberet nolle.

Fluit secundo tertia propositio in eodem damnata ad merendum & demerendum in statu naturæ lapsæ non requiritur in homine libertas à necessitate, sed sufficit libertas à coactione: nam ubi gratia naturæ lapsæ est, quæ infert ipsum velle, nec essario vult voluntas, licet non coacte, & tamen per illud velle meretur.

Fluit

Fluit 3. prima Propositio in eodem damnata : aliqua Dei
præcepta hominibus justis volentibus & conantibus , secundum
præsentes , quas habent , vires sunt impossibila , deest quoque
illis gratia , quæ possibilia fiant : nam qui non obseruat præ-
ceptum non habet gratiam naturæ lapsæ , si enim hanc
haberet , cum hæc inferat ipsum velle , utique observaret
præceptum , atqui tamen sine illa gratia impossibile est , ut
præceptum observet , ergo &c.

De statu integritatis & naturæ puræ.

IN hac materia variæ Propositiones Bajanæ damnatæ sunt
à tribus Pontificibus Pio V. Gregorio XIII. & Urbano
VIII. inter alias hæc 26. *Integritas primæ creationis non fuit
indebita humanæ naturæ exaltatio , sed naturalis ejus con-
ditio.* Hujus damnatæ hæc est contradictoria *integritas primæ
creationis fuit indebita humanæ naturæ exaltatio & non na-
turalis ejus conditio* ergo qui hanc contradictoriam negat,
impingit in damnatam ; sed negat hanc Macarius dum in
Tyroci. pag. 224. adstruit impossibilitatem naturæ puræ seu
integræ , nam si integritas humanæ naturæ indebita est , si
non est naturalis conditio , ut habet contradictoria damnatæ,
cur amabo , ab omnipotenti Deo condi humana natura non
possit sine eo , quod nec naturale sibi est , nec debitum ? quod
si creari talis non potest , ut vult Macarius , naturalis pro-

Pp fectò

fectò ea sit conditio , & non indebita humanæ naturæ exaltatio necesse est : atque en damnatam.

At non abhorret Macarius ; nam illud sustinet in Tyrocinio pag. 159. quod quædam ex propositionibus vulgo Bajanis in rigore sint veræ , & ut ajunt Pontifices in illa Bulla, non nullæ aliquo pacto sustineri possent in rigore , & proprio verborum sensu . Periculosa doctrina, quæ & Bullas Pontificias eludat , & ad Bajanis promiscue docendas laxissimam viam aperiat ; cæterum vetus hæc lis de famoso illo commate , seu distinctiva virgula , videri potest in speciminibus parte 2. c. i. §. 4. per totum.

De Charitate.

BAjanizant hic multipliciter Gummarus & Macarius : proscriptæ sunt , hæc 33. omnis amor creaturæ rationalis aut vitiosa est cupiditas , quæ mundus diligitur , quæ à Ioanne prohibetur , aut laudabilis illa caritas , quæ per Spiritum Sanctum in corde diffusa Deus amatur . Et hæc 16. non est vera legis obedientia , quæ fit sine caritate : utramque sustinent ac tacentur pro viribus ; & primam quidem Macarius in Thesibus 9. & 10. Maii 1675. *Vel casto amore nos sursum ferri , vel damnabili cupiditate deorsum deprimi , est necessum.* Et pluribus in Tyrocin. à pag. 171. & præsertim pag. 175. de caritate & cupiditate , ita loquitur *Hi duo fontes , quasi duæ reginæ sunt , dividentes inter se bonum*

ET INFELIX CONCORDIA. 299

num & malum &c. similiter Gummarus in Thesibus de caritate conclus. 2. ut ex ipso titulo licet colligere: *Amor creaturæ rationalis adæquatè dividitur in castam dilectionem Dei, sive caritatem saltem late dictam, & cupiditatem;* & planius in responsione ad accusat. 13. compendii, conforme id esse dicit doctrinæ Lovaniensium; *non agnoscunt,* ait, *nisi duas radices, ex quibus procedunt omnes actus humani, caritatem late sumptam sive dilectionem Dei, & cupiditatem sive amorem sui:* gratias debent plurimas Gummaro Lovanienses, quod eorum doctrinam tam nitidè Bajanâ labè aspergat.

Secundum clare habes in Gummario compendio pag. 71. *nec potest sine illa (dilectione Dei propter se) exerceri opus unde quaque bonum, imo nec tale, quod caret omni prorsus culpa:* tantum scilicet hic à Bajo, quantum alibi à Jansenio recedit. Claram item & breve est illud Macarii pag. 168. *quod omnis actus virtutis (vera legis obedientia virtus est) debeat esse elictus aut imperatus à caritate.* Ex his aliisque quæ congeri in hanc Appendicem possent plurima, sua (si liberet) consecaria traherem, sed non lubet, & fastidiosum est, præsertim si nullus fructus speretur, alienas sordes movere.

Venio nunc ad schedam funebrem Macarii, neque enim ea, quæ ibi tam speciosè de ejus libris, eorumque doctrina lego, alio opportunius loco elevem, quam ubi recentem plane tot ejus errorum memoriam habemus, &

P p 2

in

300 TRIUM-VIRORUM VANA
in ipso deprehensum Bajanismo tenemus. Nunc tibi illum
habe.

Anno à verbo incarnato 1680. die 26. Februarii in Abbatia
S. Michaëlis Sacri & Canonici Ordinis Præmonstratensis
Antverpiæ obiit dilectus nobis in Christo Confrater R. D.
Macarius Havermans (hic me locus admonet Licentiatum
non fuisse eum Theologiæ, quem ego passim eruditissimum
compellavi; levis is fuit error & felix ignorantia, quæ nil
peccavit, nisi quod honestius virum & humanius salutaverit)
reliqua porro, quæ ad vitam ejus moresque spectant, quo-
rum Censor esse nolim, uno saltu prætereuntes ad doctri-
næ commendationem veniamus: super excelsam S. Theo-
logiæ Cathedram positus lucebat & ardebat; oculis ægris
odiosus, puris amabilis; doctrina ejus variis Libris contenta
Sanctissimo Domino exhibita sine nævo inventa est. En tibi,
Lector, novam Approbationem: sine nævo inventa est
doctrina in Libris Macarii, quæ in P. Gabriël's errorum dam-
nata est; sine nævo inventa doctrina est, quæ à tribus Pon-
tificibus proscripta est, credant id posteri, ego hanc appro-
bationem fictitis aliis apponam, quibus & Gummari Metho-
dus probata fingitur, & Lovaniensis Censura; cuius quidem
ridiculam Approbationem Pontificio primum nomine tur-
gidam, paulatim deinde extenuari vidimus, & à Pontifice
ad Cardinales, ab his ad quatuor Theologos ad id deputatos,
ab illis ad Assessorem S. Officii, tum ad Organum assessoris
descensum, ac per illud organum in auras denique ventosque
evanuisse.